



KOMUNIKADU DE-IMPRESA

Selebrasaun Loron Poupansa Nasionál ba dasia no Kampu Dijitál ba datoluk.

Dili, 29 Novembru 2023, Banco Central de Timor-Leste (BCTL), selebra Loron Poupansa Nasionál ba dasia no Kampu Dijitál ba datoluk iha parajen CBD2 Timor-Plaza. Iha âmbito selebrasaun ida ne'e, Banku Sentráal realiza espozisaun kona-ba pagamentu dijital hahu hosi tuku 08.00 to'o tuku 19.30.

Programa ida ne'e abertura ba espozisaun pagamentu dijital iha dadersan husi S.Excelensia Governadór Banku Sentráal, Sr. Heldér Lopes. Iha ninia diskursu hato'o katak sistema pagamentu dijital disponivel ona iha Timór-Leste maibe tanba literasia finanseiru seidauk masímu, comunidade sira seidauk bele utiliza facilidade sira ne'ebé iha ona. Iha biban ida ne'e mós Sr. Governadór husu partisipante no konvidadus sira atu vizita Kompañia Fintech no instituisaun finanseiru sira nia fatin hodi hetan informasaun kona-ba servisu pagamentu dijital nian.

Seremonia selebrasaun Loron Poupansa Nasionál ba dasia no Kampu Dijital ba datoluk hahuú hosi oras 16.00 toó oras 19.30. Iha ninia diskursu Sr. Governadór Banku Sentráal nian hato'o katak liu hosi kriaun konta Ha'u Nia Futuru, rejista ona konta hamutuk rihun 27 ho total montante millaun US\$13. Iha biban ida ne'e, Sr. Governadór mós husu ba governu atu kria identidade uniku no rede komunikasaun ne'ebé diak hodi fasilita pagamentu dijital sira.

S.Ex. Primeiru Ministro Sr. Xanana Gusmão iha nia diskursu husu Banku Sentráal atu kontinua realiza programa literasia finanseiru no disemina informasaun kona-ba pagamentu dijital. Governu sei suporta programa Banku Sentráal nian ne'e.

Iha biban ida mós, Banku Sentráal fahe sertifikadu apresiasaun ba parte relevante sira ne'ebé fó ona kontribuisaun ba desenvolvimentu setór finanseiru no negosiante sira ne'ebé suporta programa pagamentu dijital nian.

Eventu espozisaun kona-ba pagamentu dijital no selebrasaun Loron Poupansa Nasionál ba dasia no Pagamentu Dijital ba datoluk partisipa masímu husi instituisaun finanseiru sira hanesan banku komersial, empreza fintech, kompania seguru no negosiante sira ne'ebé organiza husi Timor-Plaza ne'ebé nu'udar ona komersiante karteira eletróniku no POS P24.

[Remata]